



77

DEO OPTIMO MAXIMO
UNI ET TRINO,

VIRGINI DEIPARÆ, ET S. LUCE
Orthodoxorum Medicorum Patrono,

QUÆSTIO MEDICA,

CARDINALITIIS DISPUTATIONIBUS
manè discutienda in Scholis Medicorum, die Jovis
xxvi Martii Anni M. DCC. XXXIII.

M. CLAUDIO BRUNET,
Doctore Medico, Præsidente. *autore.*

An Abstemii Carnis-privium facilius serant?

I.



ORPORIS mentisque sanitas concurrat rariùs;
homo discordibus constat, partes sorte inæquali pu-
gnantes indefinenter, sibimetipsis jugiter adversan-
tur, altera alterius imperiosa esse gestit, utraq̃ue
de imperio dimicat. Corpus quotidie magis magis-
que superfluentibus bonis impleri, voluptatibus diffuere sagina-
tum continuo gaudet. Spiritus naturæ noticiam atque justitiæ
leges naviter consecratur, horumce certaminum adjutrix vi-
atrixque Religio *Carnis-privium* instituit, quo spiritus corpori
imperet. Ne credas tamèn indistinctam esse legem, plurimi ab
hâc lege licet invitati immunes sunt; qui ardentiori regulæ studio,

suas & acriùs aspernantur infirmitates. At ut culpandi increpandique sunt parvus Dei cultor & infrequens de jejunio *quadragesimali* ne quidem cogitans, perindè ac ii qui se curant molliùs, aut cibos coctu difficiles reformidant *quadragesimales*, inexpertèsq; horrent, vel qui salubriora condimentis nociva reddunt: sic monendi, qui suam negligunt valetudinem. Præjudicatas opiniones falsasque impugnare, legitimas imò admittere sapientis est. Medici sit, singulos ab erroribus liberare, qui scientiam è Cælo demissam, digito supremi opificis exaratam, sacris codicibus tantoperè commendatam profitetur, apud eum cura Religionis defendendæ excubet.

I I.

BE N E valentes juvant jejunium atque carnis abstinencia identidem præscripta. qui carne se ingurgitant, facillè plethorici evadunt. Plethoram maximè periculosa esse cum ad summum perducitur monet Hippocrates: (a) hoc periculum averteret jejunium & tenuis victus, qualem adhibent *Carnis-privio* adstricti. Parvus victus plenioris corporis habitum minori negotio solvit quàm venæ-sectio aut *Catharsis*, neque *confidentia* ad extremum ducendæ notat divinus senex, (b) ne vasa nimium quàm par est exinanita suo elatere penitus defraudentur. Hinc patet jejunii immunitates aliquandò esse necessarias, de quò Medici solummodò habentur judices; (c) etsi rarò ab iis consulantur, quibus jejunium foret utilius, utpotè qui hyeme sæviente, in quâ transpirationis secretio minùs feliciter cedit, Saliarem in modum epulantur Genio indulgentes, omni ferè exercitatione vacant, quò fit ut eorum vasa humoribus cumulentur; hi humores redundantes vere accedente in motum perciti, quamplurima conferunt incommoda, simplici humorum diminutione sive *Catharesi* præcavenda. His adde quòd humores tenuiores ex cibis *quadragesimalibus* proferuntur, crassities à prægressâ ingluvie & immodico carniarum usu sanguini inducta emendatur, corpus meabilius evadit, humores faciliiori negotio diffantur, congestionibus discutiuntur, colatoria priùs invia adeò referantur ut fœniente *quadragesimâ* sudoribus diffuant præsertim ii qui acria, salsamenta, aut frixa esse consueverunt.

I I I.

DU M carne abstinetur, frumenta, olera, fruges, pisces, lacticia, &c. in usum vocantur, hæc faciliùs digeri, copiosius nutrire conveniunt inter se Medici præstantiores, nisi ea condimentis vitiosis improspere misceantur: sæpè enim terrâ nata

(a) *Aph.* 3.
Scit. 1.

(b) *Eod.*
Aph.

(c) *Mandement de M.
le Cardinal
de Noailles
Archevêque
de Paris,
du 3 Mars
1716.*

in honorem adducere ausi tam scitè condiunt, ut ea reddant pernitiōsa. Hæc friabilia nullo negotio pinsuntur ac moluntur, horum igitur digestioni promovendæ fibræ flexiliores potiùs quàm robustiores, lenis earumdem oscillatio, potiùs quàm summa vis ac ictus geminati requiruntur. Carnes autem fibratæ duriores, tenaciores validè contundantur oportet, ut cremoris atque chyli naturam adipisci valeant. Desideras ut frugum digestio prosperum sortiatur exitum? attendas ut fibris ventriculi mollietates & quædam, ut ita dicam, agilitas concilientur, quod assequeris eas sufficientèr aquâ irrorando ac perluendo. Si victus in carnibus consistat, vino uti expedit, ut fibræ validè tripudiantes, carnosæ partibus diffringendis non sint impares: neque dicas *cibos quadragesimales* debilius nutrimentum sufficere, qui defectus liberaliori haustu vini resarciendus venit. Frugibus duntaxat vescentes, ut Agricola, carnariis validiores, valentioresque vulgòprehenduntur. Ex morbo convalescentes, aut diuturno confecti affectu, lacte, orizâ, hordeaceis, avenaceis & aliis id genus quàm carniū usu feliciùs reficiuntur.

I V.

VEGETABILIA sale acido vel nitroso, Animantia urinoso vel acri gaudere experiētiâ discitum est. Ex regno vegetabili aut animali captare lubet alimenta? caveas ne acidum luxurietur, aut alkali plus æquo evehatur ac efflorescat. utrique incommodo occurrit aquæ aut vini potus. Ut acida diluantur ac obtundantur, nec-non eorum spicula diffringantur, nihil magis præstantaneum aquosâ diætâ reperies. Urinoso sali deprimendo accommodatum præstò habetur vinum acidis referatum. Urinosi sales & acidi adeò sibimetipsis adversantur, ut invicem permixti novam nanciscantur indolem, novùmque sal vulgò *salsum* nuncupatum effingunt, quod ab urinoso & acido longè distat, diversòsque edit effectus. Dubitas acidis vinum scaterè? perpendas varias ejus præparaciones, analysim & experiētiā; in aceto acida vel simplici sapore innotescunt; quodcumque animal subito enecatur, ubi primùm spiritus vini quemadmodum solutio vitrioli in ejus venas injicitur, ejusque sanguis coagulatus observatur. Vinum ergò fugiant vescentes frugibus, quæ acidis turgent, ne chylus acorem contrahat immodicum. Verùm Vino utantur carnarii, ut salia volatilia, quibus ditantur animantum partes deprimantur ac mitigentur, nec humores fervidiōres ac prætermodum excandescētes ex iis eliciantur.

(a) *Aph.* 21.
Scil. 1.

JEJUNIO adstrictos aquam solummodo propinare, vino interdici nonnullis absonum fortè videbitur: aqua vorax est, Abstemii edaciores plerùmque observantur, econtrà vini portionem famem tollere assèrit Hippocrates (a). Primum vinolentia pignus & monimentum, appetitus dejectio; vino dediti omnes fastidiunt cibos, in solo vino ingurgitato eorum victum consistere diceret; quasi verò jejunii patientes, ciborum fastidio ac satietate laborare tenerentur. Quin potiùs eorum appetentiam acuire juvat, ut in sufficienti quantitate cibos *quadragesimales*, etsi insullos ac minùs sapidos adhibere queant. egregium cibi condimentum fames. omnes aliæ conditurræ exulent, præsertim Merum quod famem infringere incusat. fateamur tamèn quod res est, divinus Senex non hic verba facit de appetitu naturali, sed de præternaturali, seu fame caninà quæ à Græcis βέλμω vocatur: hoc morbo tentati perindè ac alii gravitèr ægrotantes, *Carnis-privii* legibus sese obligare nequeunt, ut potè qui satis superque exercentur, vitàmque duriorem asperiorèmq; trahunt. utinam pro multò levioribus causis nunquàm solveretur jejunium. Ex Hippocratis monitu videtur observatū dignum, inter medicamenta numerandum esse vinum; non inficias itur vinum cor recreare, stomacho nonnunquàm conducere, sudores, urinas ciere, omnes secretiones promovere, vires prostratas erigere. reipsà verum est, quod per metaphoram dixit Poëta, *condita verax aperit præcordia Liber*. Cardiacæ verò, stomachicæ, diaphoreticæ, diuretici, aperientiæ, & alia id genus, parçâ manu & circumspèctè vel indiscriminatim & perperàm adhibita, multùm prodesse vel nocere compertum habetur; illis medicamentis consuescere, & continuò uti neminis unquàm mentem subiit. Idem ferè esto de vini usu judicium, numero medicamentorum non excerptur. Suspiciaris fibras vietas & effectas? utere alimentis sale urinoso præditis & vinum concedatur. Si suspicio sit fibras *Crispaturis* vel rigiditate nimia donari, aut si alimenta acidis imbuta, qualia sunt *quadragesimalia*, adhibeantur, tunc temporis vini ulus denegetur.

Ergò Abstemii Carnis-privium faciliùs ferunt.

Proponebat Parisiis JOSEPHUS DE JUSSIEU,
Lugdunæus, Baccalaureus Medicus, A.R.S.H. 1733.
à sextâ ad meridiem.